

¡BOMBA!

No es por tirar mala leche,
y menos hacer el feo;
pero si hoy hay más empleo,
¿qué es lo que pasa en Campeche?



K'intsil

U edicionil fin de semana, viernes 4 tak domingo 6 ti' septiembre ti' u ja'abil 2026

CAMPECHE · YUCATÁN · QUINTANA ROO · AÑO 12 · NÚMERO 2804 · www.lajornadamaya.mx

CH'ÍICH' JA'

CORMORÁN OREJUDO E' JACH UTS U
BULKUBÁAJ TI'AL U CHUKIK U YO'OCH

OOCHEL JUBILEEJ

ESPECIAL: FAUNA NUESTRA /
MIGUEL AMÉNDOLA / P 38 YÉETEL 39

Ku chíkpajal leti'e' tumen lu'uch u koj. U yoot'el u yiche' k'aank'an, ts'o'oke' suuk u xitik u xiik' ti'al u tijikúunsik tu yáam k'iin, ts'o'oke' jach táaj u yojel u bulubáaj ich ja' ti'al u chukik ba'al u jaantej. U k'aaba' ich káastelan t'aane' Cormorán orejudo.

U científfico k'aaba'e' Nannopterum Auritum. Ma' táan u chich xik'nal, le beetike' ku béeytal u séeb túuch'ul tu k'ab che' wa ti' cables.

Jacqueline May Díaz, máax beetik u k'a'aytajilo'ob u múuch'kabil Desarrollo y Medio Ambiente, A.C., tu ya'alaj le ch'íich'a', ku p'isik ichil 70 tak 90 centímetros. Ba'ale' keen u xit u k'abe' ku náakal tak 132 centímetros.

Tu p'ootil u poole', ka' t'ool u sak yéetel boox k'u'uk'mel yaan, ba'ale' lelo' chéen ku ye'esik u chan jaats k'iino'ob tu'ux ku ya'abkunsikubáaj, wa ku yantal u mejenil.

Kéen nojochchajake' u k'u'uk'mele' leelem boox, ya'ax wa ch'ooj. "U xaawe' kanyáal yaan ti', ts'o'oke' nuupul tumen junxéet' oot'el ku k'aaba'inta'al totipalmada".

"Kéen jóok'ok ich ja'e', ku xitik u xiik' ti'al u tijil u k'u'uk'mel, tumen kex jump'íite', ba'ale' ku ch'u'ulul". Ku ya'alale' jach uts u máan u chuk u yo'och ich ja', tumen ku bulkubáaj yáanal ja', tu'ux ku k'a'abéetkunsik u xaaw ti'al u báab tu beel.

Ku ya'alike', u jela'anil yéetel u jeel cormorano'obe', tumen le je'ela', maas jejeláas tu'ux ku yantal; uts u chéen xik'nal kex ma' jach chich u beetiki'. Ku jaantik kay, je'el bix k'ee'k' yéetel uláak' múuch' kayo'ob.

Jbiólogo Fermín Chaidez Ochoa ku ya'alike', maases mejen kay ku kaxtik, ts'o'oke' túuts' luk'bil u beetik ich ja' wa keen jóok'oki'. Kay maas nuuktake' ku biinsik tak jáal ja' wa tu'ux yaan tuunich ti'al u béeytal u luk'ik tu beel.

Xbióloga Estela Díaz Montes de Oca tu ya'alaje', u k'u' le ch'íich'o'oba' ku beetik yéetel ch'i'ilibo'ob, algas yéetel xiwo'ob; u ya'abile' ku bin u ka' k'a'abéetkunsik ja'ab man ja'ab.

